



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ioan. Petri Maffei, Bergomatis, E Societate Iesv,
Historiarvm Indicarvm Libri XVI.**

Maffei, Giovanni Pietro

Antverpiae, 1605

Hormvtivm Insvla Et Vrbs.

urn:nbn:de:hbz:466:1-11473

ipsum gestat Christiani quatuor, soleni Misericordiae sodalitati ornatu. quæ funerum caremonia & Christianis & ipsis ethnicis vehementer probant.

Denique circa Bazainum urbem ad passuum triginta circiter millia Socii castella regia inuisunt, magno & Lusitanorum bono, quos in officio ac pietate corroborant; & barbarorum, quos ab erroribus atque superstitionibus ad cultum Christi perducunt.

HORMVTIVM INSVLA ET

V R B S.

Hormutium est insula in sinu Persico, urbē eiusdem nominis continens. Ea quod vel propter inquilinorum colluuiem mixtā è variis nationibus ethnicis, Mauris, Iudæisque, Christianorum, qui morantur ibidem, fidei sinceræque religioni valde periculosa, vel propter nimium solis ardorem æstusque grauissimos, humanis corporibus est vehementer infesta; idcirco ibi ferè semper aliqui è Societate versari soliti sunt per interualla sibi inuicem succedentes, ut cum rei Christianæ, quoad fieri potest, sine intermissione prospicerent, tum etiam eadem siue incommoda siue merita ad plures sui ordinis homines pertinerent. Eidem Socii cum opus fuit, classium quæ in expeditionem educerentur sese comites præbuere, ut naualis turbæ ac propugnatorum animas curarent simul & corpora. quo in officio vitam Alexius Diazus posuit in eo bello, quod aduersus Turcas superioribus annis est gestum. Alius verò, quo tempore Hormutium obsidebatur à barbaris, cum neophytos ex eo periculo ad Mogastanem oppidum, haud longè ab urbē positum ingenti labore traduceret, varias agere personas coactus est, Ducis, parentis, magistri pro discipulis semper ad mortem parati: ea cum ab hostibus pericula, tum ab incendiis cælique ipsius intemperie & corruptione imminabant. Verum ut ad res Hormutianas reuertat, primus in eam urbem è Societate Gaspar venit, ortus in Belgis, moresque hominum planè solutos ac perditos summa adhibita diligentia breui magna ex parte correxit, atque restituit. furta, scœnora, contractus nefarios sustulit ita multos, ut ex fraudata pecunia nummi aurei plus vices mille in publicum redacti collocandis in matrimo-

*Alexius
Diazus.*

*Gaspar
Belga.*

nis

nō legitimo compluribus feminis ad honestatem à flagitioso quæstu traductis, opportuno sanè subsidio fuerint. Idem in tractandis hominum ingeniis tanta dexteritate fuit, vt neminem ferè grauibus vitiis laborantem curare sit aggressus, quin ad sanitatem Deo adiuuante perduxerit. Quendam, cum alia ratione non posset, mercede ac pretio à turpi vitæ consuetudine reuocauit, emendicatis ad eam rem aureis ferme viginti: tanta enim summa cum illo transegerat. Alium verò cum ad sacram confessionem frustra sæpe cohortatus fuisset, domum artificiosè perductum, apud se tam diu continuit, quoad ille confessionem ritè sentire perageret; magno vtique Dei beneficio: paratam quippe nauem habebat, quam, simul atque expiatus est, conscendit extemplo, paucosque post dies cum hostibus nauali prælio dimicans cecidit.

Iam verò, æstate media, caloribus maximis, quo anni tempore Hormutii aqua collo tenus merfi vulgò homines jacent, Gaspar singulis hebdomadis bis tæve cõcionari, cum Iudæis, Mauris, ethnicisque de religione concertare atque differere, quæstiones de officiis, quos casus conscientia appellat, publicè explicare, Catechismum pueris Maurisque vicatim are campano, coactis quotidie exponere, discordias atque inimicitias tollere, mulierculas è cœno flagitiorum extrahere, valetudinaria inuisere, ægrotisque sedulò ministrare, quieti non plus quam tres horas ferme tribuere. Accedebat ad hæc tam varias & assiduas occupationes ingens præterea peccata confitentium vis, vt ægroti cuiuspiam agentis animam lectulo quandoque assidens, simul & illum in extremo certamine confirmaret, & valentis alterius confessionem vno eodèmq; tempore exciperet. Idem, spatio pænè bimestri, dum contra hostes classis instruitur, militum confessionibus audiendis ita distentus est, vt ad somnum vna dumtaxat hora superesset, ipsumque biduum nullo interdum cibo traduceret. res difficilimas eximio fidei Christianæ tuendæ studio ardorèque perrupit. Maurorum cantica sacrilegâque vociferationes non modò comprescit, sed etiam ex Alcorano, (ita enim incolæ Mahometis sanum appellant) quod aiunt fuisse Hormutii celeberrimum omnium, eiecit ac sustulit contra omnium spem, vi tumultuque nullo, crucibus tantùm sex cum agmine psallentium puerorum in Alcorano defixis. qua re

Labores
Gaspari

Mauri

Mauri vsque ad eò perterriti fractique sunt, vt deserto confestim fano diffugerint. Barbari etiam multi à diaboli seruitute in Christi libertatem averti. in iis Iogues seu heremita, cuius erat ea sanctitatis fama, vt qua pedes lauisset, aquam, Rex ipse Hormutii religionis causa biberet. Et sanè præstanti erat ingenio vir, insolitisque visis quibusdam diuinitus ad Christiana sacra panè compulsus videtur fuisse.

Virtus sacrificij missa. Obsessa mulier liberatur.

Baptizatae sunt etiam à Gaspare feminae duae, Mauræ, mater & filia, claro in primis genere locoque natae, è Zeidensi familia Mahometicæ stirpis. Idem sacrificio missa adolescentem quendam panè defunctum à morte reuocauit. Alienata mente mulierem & à dæmone obsessam, diui Ioannis Euangelio ritè corpori ipsius imposito, liberauit.

ÆTHIOPIA.

CLAVDIVS Æthiopiæ rex, professione Christianus ille quidem, sed à Catholico grege seiunctus atque schismaticus, cum ad Ioannem Lusitanie regem litteras dedisset, in quibus erat, velle se omnino ad Catholicæ Ecclesiæ sacrosanctæ gremiū redire, & in Romani Põtificis potestate esse; ab Rege se petere, vt eū eodem Romano Pontifice de recõciliatione ageret; re Ioanes suscepit, & primū à Iulio Tertio; mox, eo per id tempus demortuo, à Paulo Quarto, qui in põtificatu successerat, impetravit, vt Ioannis ipsius sumptu aliqui ex Europa in Æthiopiam cum mādatis atque autoritate apostolica mitterentur. Declaratus Æthiopiæ Patriarcha Ioannes Nunes è Societate spectata vitæ sanctimonia vir, cum Sociis multis profectus è Lusitania anno Christi nati, circiter 1556, Goā incolumis tenuit, ibique, antequam cœptum iter perageret, excessit è vita. Suffectus in eius locū è Societate Andreas Ouedus episcopus, quem ille Goa ad Claudium cum quatuor aut quinque comitibus iam antè præmiserat. quibus tamen Rex ille ceteroqui non illiberalem se præbuit, promissa tamen fidem Regi Lusitanie datam minimè præstitit: cuius perfidiæ pœnas ab eo videtur exegisse Dominus: paucis enim post Andream aduentū diebus ab hostibus victus atque peremptus est. Rex inde creatus Adamas Claudii frater, desertor olim fidei Christianæ, vir immanis ac ferus, & Apostolicæ se-

Ioannes Nunesius Æthiopia patriarcha

Andreas Ouedus Episcopus.

Perfidia Claudij regis.